

INUIT ATAQATIGIIT

Inatsisartuni



12. juli 2019

Inatsisartut Suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara.

Naalakkersuisunut apeqquq:

- 1. §37_221/2019, apeqquq 3-mut, akissumminni Naalakkersuisut allapput Asia-mit aggerfeqartut ilaquuttaminnut Nunatsinni nunaqalersimasumut ilaquataanertik pissutigalugu Nunatsinnut tikisinneqarsimasut 2015-miit amerliartortut.**
 - Naalakkersuisut ilisimatitsissutigisinnaavaat piumasaqaatit suut naammassineqarsimasariaqartut ilaquataanertik pissutigalugu Nunatsinnut tikisitsineq pisinnaassappat?
 - Naalakkersuisut ilisimatitsissutigisinnaavaat kina [Nunatsinni najugaqartoq allaminngaarneersorluunniit] qinnuteqarsinnaasoq ilaquataaneq pissutigalugu Nunatsinnut tikisitsinissamik?
- 2. Naalakkersuisut ilisimatitsissutigisinnaavaat ilaquataaneq pissutigalugu Nunatsinnut tikisitsinissamik qinnuteqaatit inatsisip siunertaa naapertorlugu imaqarnerisut pillugu Nunatsinni aamma/imaluunniit Danmarki nakkutilliisutut inissisimanersut?**
- 3. Naalakkersuisut ilisimatitsissutigisinnaavaat Qallunaat Nunaanni innuttaassuseqartutut nalunaarsugaanngitsut, Asia-milu nunanit aggerfeqartut, Nunatsinni najugaqartumik Qallunaat Nunaannilu innuttaassuseqartutut nalunaarsugaasumut katinneq pissutigalugu Nunatsinnut tikissimanersut ukiuni 2015, 2016, 2017, 2018, 2019/ullormannamut?**
- 4. Naalakkersuisut ilisimatitsissutigisinnaavaat Qallunaat Nunaanni innuttaassuseqartutut nalunaarsugaanngitsut Nunatsinnukarniartut qinnuteqaataanni suliaqarnermi Naalakkersuisut sunniisinnaanerminnut periarfissaqarnerisut?**
- 5. Taamaassippat: Qanoq suliassallu pineqartup suup iluani Naalakkersuisut sunniisinnaappat suliani Qallunaat Nunaanni innuttaassuseqartutut nalunaarsorneqanngitsut Nunatsinnukarniartut qinnuteqaataanni suliaqarnermi?**
- 6. Naalakkersuisut ilisimatitsissutigisinnaavaat Qallunaat Nunaanni innuttaassuseqartutut nalunaarsugaanngitsut Nunatsinnut nunasiniarneranni suliarterniarneranniluunniit suliassanut akisussaaffimmik Nunatta**

tigusinissaata piviusunngortinnissaanut Naalakkersuisut massakkut qanoq pilersaaruteqarnersut?

7. Qallunaat Nunaanni innuttaassuseqartutut nalunaarsugaanngitsut suliarterniarlutik nuunniarlutilluunniit Nunatsinnukarniartut pillugit suliat ingerlanneqarneranni akisussaaffiit pillugit Qallunaat Nunaanni Nunatsinnilu oqartussaasut assigiinngitsumik paasinnittaaseqarpat?

8. Apeqqummut 7-mut akissut aappiuppat: Tamanna qanoq malunniuttarpa?

(Inatsisartunut ilaasortaq Sofia Geisler, Inuit Ataqtigiit)

Tunngavilersuut:

Ilisimalluarparput sulisussanik amerlanerusunik Nunarput atorfissaqartitsimmat, atorfissaqartitsinerlu taanna siunissami annertusiartuinnartussaasoq. Tamatuma pisariaqartippaa Qallunaat Nunaanni innuttaassuseqartutut nalunaarsugaanngitsut nunanit allaneersut Nunatsinnut suliarterniarneranni nuunniarneranniluunniit suliasap Nunatsinniit akisussaaffiqalernissaanut piareersarnissarput.

Akisussaaffik qaquguluunniit nunatsinniit tiguneqassagaluarpat pisariaqarpoq paatsuugassaangitsumik ersarissumillu maannangaaq ilisimaarissagipput sammisap qiterissaa pillugu Namminersorlutik Oqartussat akisussaaffia / akisussaaqataanera qanoq imaqarnersoq sumullu killeqarnersoq.

Kissaatigivara apeqqutikka ullut suliffiusut qulit qaangiutinnginneranni akineqarnissaat.